

日本野史

和書門			
一五九〇	二〇〇	三〇〇	二〇〇
號	函	架	冊

内閣文庫		
和書	一五九〇	二〇〇
類	號	冊
	架	函

内閣文庫	
番號	和 15190
冊數	200(102)
函號	139 3




A 1 2 3 4 5 6 M 8 9 10 11 12 13 14 15 B 17 18 19


Kodak Gray Scale



© Kodak, 2007 TM: Kodak







野史卷二百三十二

町田久成獻納之章

源忠彦 修



武臣列傳第一百四十

內藤家長從弟信成從祖弟清成


內藤家長參河人也姓藤原氏出自鎮守府將軍秀

鄉秀鄉八世孫行俊以父賴俊任內舍人故初族稱

內藤內藤系圖行俊十一傳義清屬安栖君信忠任

參州上野城是為家長祖父父清長仕善德君清康

賜諱字繼居上野天文十一年逸史作十二年十二月尾兵



末侵襲上野破外郭清長率其族拒戰侄正成時歲
十六善射殲敵數十人遂擊却之大樹公廣忠召正
成增采邑賞之國史實錄家長小字金一郎稱弭次
右衛門 東照宮賜諱字系圖善彎強弓藩翰永祿
十二年 宮攻今川氏真於天王山寨家長弟信成
中矢而倒敵進將截家長射其敵極信成家譜天正三
年長篠之戰敵出并侯三騎巡邏家長及叔清正前
射中羗矢而却之家譜藩 六月 宮攻二股城敵出
禦中間隔一冰河城兵朝比奈彌兵衛截松平彦九
郎彦九郎為家長外戚家長望之忿馳騎逐射斃之

其弟弭藏遮戰獲射斃之敵濟水未戰家長多力善
射會師赴援敵縱火於民戶而去明日二股守將依
田信蕃遣人於石川家成送其箭謂曰誰與用此箭
者非源為朝則是平教經乎 東照宮悅賞賜道服
於家長藩翰譜逸史○內藤家譜 七年 宮據諏訪
原逼田中城親自廻視從者僅數騎敵並躡家長受
命反騎射却之家譜八年家譜作 五月 宮出蹂躪田
中持舟麥苗過藤枝石川敷正為殿持舟城出兵是
時敷正卒二人諷家長日請從焉家長許可守將朝
比奈泰能馳輕騎追尾敷正徒戰棄勝逐到城際獲

首二十餘級家長亦刺敵二騎使二人馘之家譜藩

十年入甲斐守大野皆與松平清宗擊相兵獲首二

十七級藩譜十二年羽柴秀吉還美濃前田城主救

瀧川一益而畔東照官率師抵蟹江家長及酒井

忠利馳驅擊而走之敵據城防禦併軍四圍家長對

前門前田口敵出戰家長射槍左敵數人披靡不進

縱火敵燔前門遂乘外郭士卒死傷者數人十三年

石川敷正西奔家長受命督其隊騎八十人家譜藩

十八年從伐小田原攀登箱根嶺關白秀吉望家長

甲裝凜然令問姓氏而賜銃三十挺家譜小田原亡而

後賜佐貫城總上食邑二萬石家譜藩庚子亂與鳥居

元忠松平家忠近正守伏見城家長暨子元長在西

城西軍合圍家長登天守樓縱火箭焚四面邸第西

軍驚撓不敢薄壁家長與元忠巡邏松郭昏議欲截

後門渡橋西將垣見家純還薄支戰橋上家純遂屈

去是夜撤橋而禦守旬餘燒竹省或燒埋草固拒不

屈七月二十九日有兵懷武者於松郭中縱火誘敵

八月朔餘烟未熄逆風暴怒元忠凌蹙未欲與俱死

遇之於西郭大門元忠曰牙城既火請與足下偕死

矣家長掉頭曰卿者城主奚為死於他處乎敵已隔

壁且入元忠諾入牙城家長闢門勅弓野矢發無虛
鏃箭竭躬亦被創使元長及安藤定次禦敵入鐘樓
從容作書顧卒原田某曰汝努力達之行營又視我
死樣以可報左馬介其功倍死命縱火自殺元長亦
力戰被傷十六處猛火蔽眼不得往父處入炎燄自
殺卒獨得脫走 東照宮覽書痛惜家譜慶元通鑑時歲五
十五家譜圖法名久山善昌孫義松院院系圖子政長
元長元長字小一郎從父自殺歲十六家譜圖
政長小字金一郎叙從五位下稱龍馬介初長湫之
戰歲甫十六射敵多獲擊劔獲首級家譜藩關白秀

吉授豐臣氏家譜圖大坂冬軍在東府夏軍從師家內藩
或作夏軍累賜七萬石居岩城平城陸奥叙從四位下
寬永十一年卒歲六十七系圖藩有子忠興政次
政重政晴政次政重蚤死政晴叙從五位下稱兵部
少輔頒父采邑二萬石今居舉母城河參子孫相繼忠
興 怠德公賜諱字叙爵稱帶刀長家譜武大坂冬
役盜勝山潛西上到平野就木多正信請從師明年
三月賜佐貫上田一萬石家譜藩夏軍起屬酒井忠
次與松平康長擊毛利勝永走之而與康長議馳人
使謂木多忠朝曰請遣援兵忠朝擬議不肯遂入敵

軍戰死康長亦傷從卒死傷者多忠興裝甲朱鑑苗
背標騎驅揮十义捨數與勝永戰遂却之佗日東
照官證其裝甲問其名於忠次賞勇忠次以為女婿
故不對忠興亦弗應或曰某甲也官曰尉隊下矣
手再三終不答家譜承應中為大坂城代進從四位
下致仕而後卒子義泰嗣稱左京大夫子孫相傳今
治延岡城向日采邑七萬石世列族籍次義美叙爵稱
東市正次政亮族稱遠山割父采邑一萬二千石叙
爵稱主殿頭孫政貞復族稱內藤子孫今居奥州湯
長谷世矣

信成家長弟也信成母氏初立侍大樹公廣忠有娠
賜之於嶋田景信景信者參河人也嶋田氏歷三箇
月而生信成於景信家賓天文十四年也清長請而
養之於襁褓家譜藩初字三龙衛明年甫十三仕
東照官年尚弱會馬逸奮迅回當信成遇之懷馬恰
如人將啣信成欲覆不能繫得其人必不赦矣將自
殺衆抑止啓之官曰有與他馬異也何咎之有藩
譜甲陽一向亂與親族攻上野先登有功味方原之
役代本多忠真而殿努力疾戰屬從皆死藩高
天神城及將陷官遣信成赴國安擊逃逋敵信成

乃與菅沼定清馳追獲敵而還小牧軍留守清須牙
城小田原軍與諸將攻薙山城拔之譜藩翰是歲八月
賜薙山城豆伊食邑一萬石家譜藩文祿四年叙從五
位下稱豐前守系圖神任庚子亂守沼津城明年賜駿府
城國史實圖慶長十一年先是長濱城久圯東照宮
命江濃飛三列役夫修築之金森可重督役七月落
成移信成封之食邑五萬石十七年七月卒歲六十
七藩翰譜法名陽齋宗賢號法善院系圖謚子信正
信廣信正或作繼父叙爵稱紀伊守子孫徙封居村
上城越後列侯籍信廣初字主稅分父采邑三千石殊

仕幕府累歷署職叙從五位下稱東市正後改稱石
見守加封祿邑一萬石為大坂城番慶安二年或謂
隊下與力推名七兵衛耶蘇之徒也鞠問得其實信
廣坐收食邑一萬石時六月會邸第火起延燒多加
科函會津後遇赦辭而不歸終死于謫處子信充食
邑五千石仕幕府迄曾孫信盛蚤死無嗣絕系圖大坂日記
清成祖父曰清正家長叔父也清正天文十二年初
仕大樹公廣忠生三男子長曰忠村次曰正成皆殊
賜食祿李曰忠政字仁兵衛性多病未滿不惑致仕
藩翰譜忠政亦有三男子清成忠重正次清成小字彌

三郎實竹田宗竹子忠政養為子家譜圖忠政嗣仕

東照宮 怠德公天正十八年賜相州當麻田七千

石家譜藩翰譜文祿中叙從五位下稱修理亮系圖補任

為 台德公傳與本多正信俱預聞政務慶長六年

青山忠成補焉十一年清成忠成免職先是 東照

宮每冬獵武相之地 怠德公命禁捕鳥獸於其地

一日 宮出獵覽結歸牽糟繩於其地問為誰乎左

右對曰清成忠成所令 宮弗懌曰 大樹未識矣

手 公聞之將罰二人遣阿茶局咨詢 宮弗應

公益懼問討於正信正信對曰 君以孝襲職實

太公之恩慧也不可戾旨二人伏誅實當其罪矣他

日正信族宮 出獵而後到其地召見正信謹而曰

可懼可懼 大樹聞 太公意弗懌頃將加刑於清

成忠成二人亦可惜也臣既老矣自仕 大樹公寧

待 君側而延繳首 宮意稍解召阿茶局曰宥二

人刑於是得免藩翰譜本多慶長十三年十月卒歲

五十四家譜藩翰譜法名高譽寶月號放光院謚荒子清

次嗣食邑三萬石先是叙爵稱若狹守歷書院番頭

百人組頭元和二年五月附 大猷公明年七月卒

弟清政嗣叙從五位下稱修理亮元和九年卒牙正

勝嗣字百助，年尚幼，外祖父板倉重宗謂幼穉，養多
祿恐不可矣。族長獲之，乃請收其祿三分之一於幕
府。藩譜○按系圖家譜云：正勝卒，子子重賴叙從
五位下，稱大和守，連歷顯職，為大坂城代，叙從四位
下，任侍從，累功加賜食邑三萬三千石。子清救嗣從
高遠城濃信子孫世矣。忠重小字甚十郎，叙從五位下，
稱伊賀守，後改志摩守，賜鳥羽城志摩食邑三萬七千
石。子忠種、忠吉、忠由、忠告、忠由，並賜食邑。仕幕府，忠
種襲封叙從五位下，稱飛驒守而卒。有四男子：長忠
次，因病不仕。次忠廣，次忠勝，嗣季忠知，頒父采邑，殊

仕幕府。忠勝初字左兵衛，寬文十一年叙從五位下，
稱和泉守。延寶元年，繼父後，列詰衆系圖家譜。八年六月，
幕府修嚴有公冥福於增上寺，先是有修佛事於
寬永寺。忠勝受命候其役，永井尚長亦以茶者番奉
拜禮之命，資性驕慢，誇權蔑如，傍人接忠勝數悖禮，
然忠勝敬慎，不敢戾，惟慎謹終事。於是獲俱候其役，
當二十五日，有老中赴拜者，尚長家人謬見不禮，忠
勝士嘗識其人，准尚長家人所為，亦不禮。目附外問
尚長以拜禮，故謝之。忠勝驚謂尚長曰：「為之何如？」
答曰：「我為我卿，為卿我矣。預卿之所置矣。會驟雨至，老

中諭忠勝令頒與傘於諷經僧僧徒大衆急遽頗遲
滯尚長罵辱忠勝無備於羣衆明日有奉書到尚長
披讀之除忠勝使諸有司悉傳讀而尚長將收之忠
勝進曰我未拜請問其旨尚長曰非卿所預聞乃卷
而懷之忠勝忿憤逆氣揮佩刀斬尚長遠山政亮抱
留忠勝事聞二十七日賜死於青鶴寺時歲二十七
中興盛衰記邑除家絕正次初稱仁右衛門屢加食
舊章錄補任邑併賜五千石養子正勝承其後累歷署職加賜食
邑合領一萬六千石叙從五位下稱上野介子孫今
邑信濃岩村田相傳世侯

正成清正二男字四郎左衛門幼而為伯父家長被
養天文十一年尾兵宵襲上野寨乘羅郭正成時歲
十六射却之明日賞賜參州羽角地家譜永祿七年正
月東照官伐一向寇於針崎野正成從射渡邊高
綱石川十郎左衛門揮槍輅東照官正成大呼曰
雖親族也勝敗公事我不敢赦射十郎兩股殪之家譜
武德編是歲與駿兵戰于御油敵擣壘發喊衆從射
而不屈官目正成正成乃發三矢其二達壘嘗躬
姓字於鏃傍敵恐駭悉下壘送飛帛曰精射可歎請
獲一矢官制止藩翰譜作再射正成當途有敵伏

麻圍以狙正成正成射而斃之家譜味方原之役甲兵
追尾正成及烏居忠廣從東照宮而退忠廣曰請
我死子從而去對曰臨危殞命今其際也子少於我
今之死即我處分也將返戰忠廣曰忠義無別我胡
為食言矣哉二人俱死則是遺君也正成不得已而
退敵益逼挑鬪者多宮退距鹽市口可七八町敵
追召危正成顧子彌九郎曰女代君對曰諾小子素
懷也曰死則所從壯士等以為怯矣今則以退為上
策我死則君危可返戰之期也知可死而不知地理
則無利此乃可拒禦之秋也彌九郎回騎鬪死正成

悲顧遂從宮得入濱松城師攻二股城正成傷脛
留守濱松會疾風暴雨回師本多忠勝馳人報歸使
開城門正成固鎖弗應忠勝遽叩扉衆喧呼正成在
樓上曰誰矣哉應速去不却者射矣挾火於鏡視焉
後軍支而不得入忠勝馳人報諸中軍宮親自抵
城門呼曰正成在斯乎予今歸列正成聞之下提燈
於狹間熟視遽下自開門迎入宮他日謂曰使正
成守城賴有謀將不可得犯焉詳五長湫之戰為弁
侯歸報曰疾戰有利隊伍不整衆或謂正成靡卒矣
重請戰東照宮意亦合之乃戰有利明日召褒之

益賜以野羽田七百石家譜慶長七年歿歲七十
六家譜逸史子孫分賜食邑各仕幕府

野史卷二百三十二終

野史卷二百三十三

源忠彥 修

武臣列傳第一百四十二

阿部定吉

井上定就

安部元真

阿部定吉一本作先真非矣也先真參河人也姓安部

氏安部系稱大藏大輔柳宮婦大藏少輔仕善德君清

康執家事以安危自任恒憂松平信定懷異志森山

軍中屢回信調停之怨家流言大穢將逆內膳以作
亂輿論洶洶人不自安定吉乃囑子正豐曰我竊祿
已過凶徒騰口唯君當察我赤心然衆口鑠金積毀
銷骨我卽被戮且藏身草澤俟時申雪縱下情不達
慎勿怨望若廢我言死且不瞑正豐憂懣累日時天
文四年十二月五日營中馬逸駘籍吏卒騷擾嗷呼
清康起視之正豐奉刀以從謬謂其父遇害輒自後
行弑植村榮安進斬正豐上下震駭不知所為定吉
聞變將自殺松平信孝素信其忠良遽止之時掉舟
君長親尚存羣臣護喪歸國崎請定吉處分長親察

其無罪特宥之大樹公廣忠嗣立令定吉相之信定
嘗竊長親百方蠱惑得擅國遂欲除廣忠而自立定
吉惧奉廣忠趨伊勢神戶又往山田寓春水大夫東
條城主吉良持廣為清康妹婿屬今川氏輝迎廣忠
館之定吉乃倚賴焉定吉弟正定勸定吉將納廣忠
大久保酒井石川徒亦竊通謀會持廣卒養子義安
通尾張五年春定吉赴長篠託廣忠於民舍來往駿
州尋廣忠次懸塚又氏輝卒義元繼立紹榮兄意是
秋納廣忠于牟呂城一本參松傳作茂呂駿兵護送
今從參松傳及逸史國人多未歸焉六年信定起兵圍牟呂而察不可克

收兵還上野而會宿臣誓于社五月羣臣胥議迎廣
忠入岡崎城柳營譜畧十五年頃年信孝為廣忠叔
父建功鍾愛最渥頗專恣併領岩津榎奪三木廣忠
以其有功勞也宥而不問信孝恒誹謗曰定吉雖無
罪其子犯大罪君矣不黜焉定吉聞之恚與酒井忠
次石川清兼等議曰往年信定附益采邑募私戚遂
釀蕭牆之禍今信孝雖有功併食兩家食邑畱均岡
崎恐迨覆宗家不如放逐而除後患矣廷決議成集十
六年正月遣信孝于駿府逐之沒收其岡崎居第置
吏於其邑取租稅信孝怒壞三木及岡城屬織田氏

麾下士淺井某或作淺木請信孝曰臣能可行裁願賜采
地印章信孝曰我莫恨君惟刺大穢則厚賞之某辭
曰我不能乃去松平記八月定吉薦信孝部下內藤
善教大久保忠久于岡崎十八年三月定吉及大久
保忠俊等為今川氏攻岡崎城取之進攻安祥不克集
是年某月二十七日死法名玉藏真海大樹寺過去
作七年定吉酷病為逆家自不置嗣卒以不祀衆義
之子正豐字彌七裁清康被斬三松傳定吉弟正定
或作彌四即兵衛養大久保忠勝子忠政為嗣忠
稱字四郎五郎初正定子定重天文十七年攻上野

城戰死亡嗣養忠政忠政好武善射後改稱四郎兵衛阿部家弘治元年攻壘江城得七木槨之名又助酒井忠次守福釜尾兵末攻忠政射尾將柴田勝家僵地敵兵援引而去集或正定後裔稱族阿倍子孫相傳仕幕府

井上正就參河人也姓安部氏父曰清秀字半右衛門實阿部定吉遺腹子也初定吉侍女有身定吉深病為逆象不自置嗣出之嫁井上氏井上氏者鎮守府將軍賴信三男掃部助賴秀之後姓源氏也是故或稱源氏井上家譜正就初字半九郎天正七年初

仕 息德公歷納戶頭小姓部隊頭兼小十人徒步頭等從大坂役元和元年正月叙從五位下稱主計頭加賜食邑一萬石為小姓部番頭家譜一本夏役從師獲首六級藩翰譜大坂陣首帳三年列奉行人兼書院番頭八年累加賜食邑併五萬二千五百石治權須賀城遠正就以豐嶋刑部媒介為子正利將娶嶋田直時女而背約娶鳥居成次女辭曰以君命難辭預約嫁娶請辭嶋田氏刑部意恚以報直時直時亦憤正就非義寬永八年八月十日刺殺正就于營中青水小龍衛門馳抱刑部欲奪刀殆危相呼衆驅

聚斬戮刑部小元衛門亦病創死

家譜中興盛衰記

○翁草引武野燭談云刑部為妹以正就女嫁直時正就諾以請命命曰殊有旨罷之而後命配之酒井重隆重隆者金森可重子頗有威名刑部意猜疑正就姦忌直時也決意刺正就于營中時直時在役于大坂見刑部遺書亦自殺家丁以為狂強奪刀療創會聞刑部刺正就入廁擗腹搦足扭指牽之死坐狂藉設有子名時之後仕清揚公于甲府叙爵稱秩路守寬文十五年有罪藉没云重隆亦憤堀田正盛益權貴穉病不出頗出怨言特

旨幽水野勝成而聞正盛為佐倉城主自殺歷年

而後重隆子重照字權兵衛石賜二千苞仕幕府

正就時歲五十六

藩藩譜作五十二歲法名隆昌日操號

忠源院

家譜藩翰備考系圖

初正就父清秀食邑一百五十

石正就迨出身之後自書半右衛門子半九郎押之

於居室柱起居常望見或語人曰我欲不遺為半右

子是則對君而忠對父祖而孝也若石田三成以其

遺忘左右故竟亡身滅宗也我惟戴君恩終世欲無

事而已矣

道齋記子正利初字大學助元和九年叙從

五位下稱河內守繼父後割食邑五千石予弟正照

正保元年徙封笠間城常陸加賜采邑合領五萬石為
養者番兼寺社奉行武家補任正利居職聽公事設
令雖大地巨刹住持有年臘者呼謂小僧荷一日大寺
住持出廳呼曰小僧僧作色曰愚訥為本寺跡主
僧叨呼小僧抑是何謂矣乎正利曰余嘗識之而汝
為本寺主僧不能裁斷幾箇事以違府廳菲德薄智
縱令雖碩學者臘其行與小僧不異乎何稱知識之
有溢家錄或歲得海鼠勝以為珍會有同僚未正利意
欲享之預命之膳夫膳夫試嘗之味甚佳嘗再三謬
失手勝皆流竭有司以告正利徐對賓曰嘗欲享海

鼠勝歷日風味損故換以殊肉也不敢問膳夫之罪
手錄武林正利好和歌勇而亦優頗有孟軻氣象或
隱見錄羊采邑矣旱田圃枯荒土民歎訴正利曰夫農者國
之本不能不巡視親自徒步郊外手採柘芋莖一株
歸諭室老曰民實饑加汝等校量給穀以金一千兩
賦我祿且賑給焉正利嘗下命每月晦家士記美醜
緘封收之猶至年冥夜皆火焉老臣津川權太夫曰
緘書莫一披閱皆焚之臣恐監吏失志正利曰監吏
之為職也不厭見與不見我亦謂美少而醜多矣醜
亦不至處刑強加刑罰則雖不告我亦有所聞苟知

諸士美醜頌之則是費損也遺物語正利在橫須
賀城與客圍碁偶流聞土寇群起壯弱騷擾見附代
官秋那長兵衛率夫丁為之備馳人來乞處置於正
利諸老以為真也告之正利自若曰宜就其邑鎮平
勢下也我他日詣東府具聞足下之有備矣猶對碁
而不顧或請遣望子有成川平之亟者時歲十八請
而往歸報曰真也諸老益愕以告正利晏然曰弱少
何見未不搖局猶不罷諸老羣士雖周章叵如之何
少時騷止迨食期左右進膳正利問曰一揆之譚奈
何答曰鎮乃召諸老諭曰左右雖狼狽拚檀乃稱兩

葉也然汝輩聞巷訖驚駭抑是何之謂也童舞雜劇
皆修煉之而況土寇之起乎可經數年然則我亦有
聞焉汝輩不似務家事也諸老赧服請問正利之意
正利曰是無他土民爭論山林境界把鏃鋏相擣四
鄰應之群起相援矣遣人探焉乃馳人問之果信也
平之亟所見長兵衛率衆未云正利在奉行職一日
登管先遣其人關部廊戶士人失鏃迷惘蹣跚正利
到問其故士人悔懼以實告正利命擣毀錠而入更
召鍛工造錠鑄其負應同職之數造畢使士人作書
致同職曰寡人士誤遺子舍鏃故更造之自今而後

請用焉他日小笠原原長重謂正利曰因卿之仁智
署候人保命者多矣初我儕家人如有失鑰者則處
之於死刑自今以往准卿之智計為規矩矣武家源秘錄
松平輝綱為正利猶子每年期十旬往父城邑河越
或年歸東府未見正利問曰子適邑何有樂耶對曰
初往以勵勉諸士武伎為樂此行也否欲令衆安居
惟恨祿微人少當直多而休沐少是以為憂正利悅
曰善哉微祿者休沐不多且役事而已實欲令安衆
心則不管瑣事而誠大過莫問其餘則衆以安處草翁
子正任嗣傳孫正岑加賜食邑一萬石後世數轉城

邑子孫相襲今移濱松城江邊現侯正岑弟正長初分
父采邑三千石為甲府老叙爵稱遠江守從從江府
為西城側衆累加食邑領一萬石為奏者番兼寺社
奉行子孫居常陛下妻世侯
政重初字清兵衛正就弟也慶長十三年初仕台
德公累賜食邑歷諸署寬文四年冬叙從五位下稱
筑後守九年秋免五字職十二月始置大目附政重
補之十七年六月賜下總田一萬石是歲受命往長
崎總裁異邦商舶耶蘇制禁等諸事十九年巡撫海
道諮民愁苦萬治三年秋致仕號幽山井上家譜當

大猷公好風流華靡每戲覽之令麾下諸士亦皆視
之或競盡鮮美如井伊直孝以紅紫錦銀作裝政重
時為大目附着麻衣禮服出而候公起居公怪
問其意謹對曰命令則所以示外臣也臣等居職者
以不准宜為規矩也公弗懌而入踰月加賜采邑
五千石名臣言行錄政重孫政清嗣子孫今居下總高岡
世侯

安部元真駿河人也姓滋野氏小太郎幸氏之後父
曰信真稱刑部大輔

○野史氏按一本安部家譜及武鑑所載皆如此

然考其家譜實為諏訪氏族祖先本居信濃諏訪
八祖某遷居駿州安倍谷祖父某始更族稱安倍
未詳其實姑附後考

元真稱大藏繼父屬今川氏迨氏真為武田信玄所
侵掠郡邑使岡部正綱及元真子信勝守駿府城而
氏真逃掛川城信玄遣人招元真元真弗應蔡遂不
可守去而閉居食邑安陪谷信玄怒傳命於伊川七
邑田代河內鄉曰若能擊大藏父子者恩賞依其所
請矣土人群集夜未襲不意父子戮力拒禦斬數人
契孛踰山赴遠州而仕東照宮為三十騎隊長告

土人群起之故受命率騎兵往田代悉斬伐其酋而
後信玄寇駿州築寨於安部口津津乃邑藩翰譜作
安部加部
良乃和良志奈口水見邑登岐川根藩翰譜作水見
賀多東岐川根
三王山多字女乃字之口藩翰譜作多
字女乃美曾花澤遠州金
谷上諏訪原五處官命元真父子附八十騎皆攻
屠之獲首級命父子合歸遠州會甲兵據伯耆墳寨
及多留以山元真父子拔二處又屠羽束師山若據
之移守多留以山甲人三浦右馬助未寇父子擊却
之時天正五年九月官賜書賞其功又守光明若
甲兵來攻會官親出後援敵退走十五年十月卒

歲七十五安部家譜
藩翰譜法名心清淨安諡辨考藩翰子
譜備考系圖
信勝字彌一郎與父仕東照宮夜襲本巢若拔之
小牧之役守平城從長秋之戰建功又從攻蟹江城
與石川數正斷水路遂陷之家譜藩
翰譜天正十八年賜
下總田五千二百五十石一本安
部家譜慶長五年正月死
歲四十九家譜藩
翰譜子信盛嗣庚子之亂屬本多正信
徵下而從大坂冬夏軍而後叙從五位下稱攝津守
累加賜食邑歷書院番頭為大坂城番今居武藏國
郡子孫世侯家譜御
大坂日記

野史卷二百三十三卷終

野史卷二百三十四

源忠彦 修

武臣列傳第一百四十二

植村氏明 茶忠

植村氏明參河人也姓源氏其先美濃土岐支族也美濃守賴忠孫持益明應中徙居遠江上村後轉居參河更稱族植村仕掉舟君長親實氏明之祖父也植村系圖植家譜父氏義仕安栖君信忠氏明初字新六郎藩九譜作新天文四年十二月善德君清康在森山營阿

部定告竊誠其子正豐曰頃聞有謂我懷貳黨信定者然我主公明察無咎焉時或騷擾如不意而雖有殺我者子謹潛匿山林以時聞我寃猶弗聽當自殺必勿懷黑心次日黎明有厖馬斷繫逸驅營中動亂清康命杜塞四面正豐謬聞父遇殺馳入弒清康時氏明在次進斬正豐僵之未瞑任恭職繼至正豐翻刃傷之股氏明與恭職終殮之家譜德定將自殺衆止之氏明謂衆曰凶逆既伏誅我欲從君子黃泉衆曰卿幸侍側誅讐功莫大焉雖他人亦遇期奚可減卿之力矣實是天曹扶助今欲殉黃壤者有誰亦

劣焉卿如欲死且任其意我儕死期非今日也氏明恠問曰亡君既如此敵若聞之則信秀先衆未襲必矣我輩盡于此則有何人能防寇以翼戴嗣君乎故我輩今不欲死于此唯有旬日遲速耳氏明悔服藩譜無幾織田信秀率師八千入寇比大樹寺松平信定時信孝據上野自保不援國人亦觀望從森山歸者八百人分作二部抵伊田信秀亦割其兵相接分路上下戢于郊野上道兵為敵所圍戰死者多氏明由下道進執槍先冒陣兵總四百奮擊敵四千中破之轉衝上路敵力鬪死戰遂走之信秀敗績家譜大

河物十四年三月藩翰譜○按逸史有岩松八彌膳
目衆呼曰片目作十五年今不取

○藩翰譜引阿部四郎兵衛入道軍記云刺因崎
殿者蜂屋也不知其名世稱片目彌八疑非矣稱
蜂屋氏國人亦多故以為膳稱片目也今按武德
編年集成載八彌子孫頗似詳故從之係以岩松
氏

衷心應敵是月九日潛入寢室刺大樹公廣忠股而
趨出廣忠執刀追之殿庭傳呼八彌作逆氏明會當
直遇之于城門橋際捉墜乾湟八彌強悍多力會松

平信孝把槍臨曰縱焉我且刺之氏明在下應曰逆
賊不可逸行併我刺之乃輾轉相搏卒獲八彌首氏名
言行錄武德
編年集成

○藩翰譜云信孝馳下窺虛刺八彌令氏明截之
○植村家譜名臣言行錄並載斬八彌者為家政
按年月相違故不取

後稱出羽守天文二十一年八月戰死于沓掛歲三
十三家譜藩法名榮安道喜號觀林院蓋號考○大
樹寺過去帳
作心榮安芳子家存氏宗氏宗稱字十内永祿六年一向
亂戰死于土呂一本植
村家譜

家存或作本名榮政小字新六郎甫九歲仕東照
宮于駿府藩翰譜弘治二年初從軍既長以壯武聞
正樹戰功永祿四年冬宮如尾張織田信長躬自
迎而入家存執刀從焉衛士呵禁家存瞑目曰我是
植村新六郎奉寡君刀叱者何也信長標衛士曰新
六壯士曩聞其名今見其面至盟畢饗信長召家存
賜酒及行先作刀曰鴻門再見舞陽家譜言六年一
向之亂與蜂屋貞次接捨藩翰譜與酒井忠次石川數
正預聞國事賜食邑一千石宮曰予將投族於汝
雖然汝族能達他邦故以為余之藩屏不可改焉更

賜家字令子孫傳之改稱出羽守又賜團扇及騎士
三十為之隊長家譜藩翰譜備考或賜一文字加
家記號拮梗花上以為家章云錄言行
○植村家譜云家存獲八彌首廣忠褒賞曰我家
武功第一也故加一之字於半拮梗花上為記號
天正五年十一月死歲三十七藩翰譜系法名瑞嶽
應山號祥雲院考謚武田信玄嘗評家存曰一世豪
雄藩翰譜上杉謙信亦愛家存勇屢通書信藩翰子
家次字新六郎後稱出羽守仕騰雲世子信康信康
有事漂流柙原康政憫之為請界上野大嶋田五百

石從長湫之戰慶長四年死歲三十三家譜藩子家

家政小字幸千代家譜千代或改新六郎慶長四年歲

甫十一東照宮問執事曰植村有子孫否於是家

政初見官曰予麾下無出汝右者命賜坐于執政

之右家譜藩仕意德公十三年叙從五位下稱志

摩守賜祿邑一千石家譜言為徒步隊長從大坂也

役五月七日東照宮前至茶臼山途見一隊軍向

茶臼山而驛官顧左右曰彼隊主客奚若左右皆

未辨旗標故莫以答者家政離次曰臣請往覘之耳

語族家雄而行已遠家雄熟視言曰非敵官曰女

何以知之對曰家政將赴囑臣曰中間最通果歎與

族我還而備之晚矣則我當直前死子且注視卜以

我馬首疾啓之今家政馬首迴轉故知之官嘉歎

曰家政壯而慧藩翰譜元寬永二年為大番頭家譜圖

先是元和八年意德公詣日光山而還到宇都宮

或告城主有異圖夜闌竊出而還時家政候假館土

井利勝怪問曰衆未識卿矣以未侯對曰臣未識其

譯特驚悸不能就寢利勝私語其質偕從歸江府藩

譜十八年賜高取城大食邑二萬五千石家譜城慶

夜下脫既

安三年十月卒歲六十三系圖法名了學日榮號本
真院益考子家貞嗣叙從五位下稱右衛門佐子孫

相傳列族氏明族子泰忠

泰忠帶刀泰職子也初為僧居鳳來寺為別當號安

養院家譜藩翰譜
東遷基業

○野史氏今按一本植村家譜載土岐持益生氏

義氏義生氏明及安重安重生安政泰職安政初

字與三郎稱備中守仕東照官後為本多忠勝

家人云○東遷基業又云泰忠者持益二男也頗

有所猶當考

猶上脫疑

泰忠因東照官命養髮歸俗稱字莊右衛門候殿

下元龜三年稱土佐守家譜味方原之役有軍

功賜遠州榛原郡系圖天正十八年小田原之役攻

岩槻城拔之賜上德勝浦田三千石家譜藩慶長六

年加賜五千石一本譜十二年叙法印稱二位法印又

稱土佐法印今按先是剃髮叙十六年十二月卒歲

七十三系圖號善福院法名子泰勝泰勝子泰朝泰

朝子忠朝世相襲忠朝叙爵稱土佐守天和二年加

賜食邑二千石居上總天神山子正朝嗣而卒子恒

朝嗣叙爵稱長門守後改稱土佐守寶曆元年七月

坐支族千吉某為外甥朝比奈萬之助被傷而死事
不具聞而發覺收食邑恒朝流于高取籍沒殊命賜
祿米二千苞於子壽朝仕幕府一本家譜類聚
武家盛衰記
○翁草云寶曆元年八月幕府小姓隊士朝比奈
百助病死歷日沐浴百助妾嘗與用人松田彦右
衛門姦通當沐浴之場亦姦媼百助子萬之助認
之嚴誠二人却捍言惡聲乃嗔怒手斬奸夫媼婦
併傷二婢一室騷擾千吉為萬之助阿舅因千吉
擁留萬之助揮刀斫千吉千吉遭重創而死萬之
助亦竟自殺親族具狀告之千吉家人秘橫死告

以病死九月幕府論罪除恒朝米邑三兩堪次等
連坐放逐有差

